

Ἡμερομηνία ἐκπομπῆς 2-3-62 (ταινία 28)

1.-

" Ἀντώντς ὄνταν ἐπέθανεν "

Ἀντώντς ὄνταν ἐπέθανεν, ἐκράτνεν δύο μῆλα,
κλαίγν' ἄτον τ' ἄστρα τ' οὐρανοῦ καὶ τῇ θεντροῦ τὰ φύλλα.

Ἀντώντς ὄνταν ἐπέθανεν, ἐκράτνεν δύο νάρια,
ὄλεν ὁ κόσμος κλαίει ἄτον, τῇ Κιότ τὰ παλληκάρια.

Μπροστά 'πέγνεν τό λείμφανον κι' ἀπὸ πρὶς 'τό κανόνι,
κι' ὁ κόσμος ὄλεν ἐκλαιγεν ἄρ ἄτόν τόν Ἀντών'ι-

2.-

" Ἐπῆγα σὸν πνευματικόν "

Ἐπῆγα σὸν πνευματικόν, εἶπεν ζημολογῶ σε,
ἔμορφον ἂν ἐφίλεσες, εἶπε με, συχωρῶ σε.

Πῆγα νὰ ξαβουρεύουμαι, νὰ λέγω τ' ἁμαρτίας,
εἶπε μ' ἄλλο μ' ἐφτᾶς ἄτα, θά κόφτω ἐγὼ τ' ὠτία σ'.

Εἶπ' ἄτον τσουρμουλήματα, εἶπ' ἄτον σεβταλούκια,
εἶπε με συχωρῶ ἄτα, ἄτά εἶν' τσαχαλούκια.

3.-

" Ἡ κόρη ἔτον δίφυχος "

Ἡ κόρη ἔτον δίφυχος κι' οἱ Τούρι' μέ τὰ μαχαίρια,
ἐκοφαν τήν κοιλίαν ἄτς καὶ τῇ μωρί τὰ χέρια.

Θεέ μ' τόν κόσμον ἐπλασες, τόν πόλεμον ντ' ἐποῖνες;
Ἐμᾶς ἄρ ὅλτς καὶ τῇ τσαχάλτς καὶ ὀρφανά ντ' ἐφῆνες;

4.-

" Ἡ κοσάρα πίν' νερόν "

Δελεύω τ' ὀμματόπα σου, ἀλάτ - μαλάτ τὰ κᾶλλια σ',
ἐπαῖρες ἵναν ἄσκειμον, πονῶ 'γὼ τήν ἐγκάλια σ'.

Ἐσὺ ἐμέν ἂν ἔκους, ἀέτς' κι' θ' ἐπαθάνες,
ἄς σά λόγια ντό εἶπα σε τό ἕναν νὰ ἐκράτνες,

Τήν ἔμορφον ὅλ' ἀγαποῦν, σαεύνε τό χατῆρν' ἄτς,
τήν ἄσκειμον κανεῖς κι' θέλ', ὅλ' βλαστημοῦν τόν κύρν' ἄτς.

Ρεφραίν...

Ἡ κοσάρα πίν' νερόν καὶ τερεῖ σὸν οὐρανόν,
παρακαλεῖ τό Θεόν, γιὰ νὰ ζεῖ ὁ πετεινόν.

5.-

" Ζουρνά - καΐτασί " - σόλο λύρα